

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Mal 466226 24 I
Sarajevo, 26.09.2025. godine

Općinski sud u Sarajevu, sudija Nenad Banduka, u pravnoj stvari tražioca izvršenja JP ELEKTROPRIVREDA BIH D.D. SARAJEVO – Podružnica Elektrodistribucija Sarajevo, ul. Zmaja od Bosne br. 49, Sarajevo, protiv izvršenika A.N., Ilidža, van ročišta, dana 26.09.2025. godine, donio je sljedeći:

ZAKLJUČAK

1. **ODREĐUJE SE ročište za PRVU javnu prodaju pokretnih stvari na dan, PETAK 31.10.2025. godine sa početkom u 09,00 sati, i to;**

- **Ugao sa naslonom – sivi – procijenjena vrijednost 700,00 KM;**
- **TV LCD Sony – 32 inča – procijenjena vrijednost 350,00 KM;**
- **Komoda za TV – crna – procijenjena vrijednost 400,00 KM;**
- **Stol za dnevni boravak sa staklom – procijenjena vrijednost 280,00 KM;**

Javno nadmetanje održat će se u prostorijama Općinskog suda u Sarajevu, ul. Šenoina br. 1, kancelarija broj 454/IV – SLUŽBA SUDSKIH IZVRŠITELJA.

2. Konstatuje se da je Sudski izvršni organ dan 10.07.2024. godine, obavio pljenidbu pokretnih stvari iz tačke 1. ovog zaključka, o čemu je sastavljen pljenidbeni popis, te su iste ostavljene na čuvanje izvršeniku uz zabranu za dalje raspolaganje, o čemu je sastavljen Zapisnik broj gornji od 10.07.2024. godine.
3. Konstatuje se da je vrijednost pokretnih stvari opisanih u tački 1. ovog zaključka procijenjena od strane sudskog izvršitelja.
4. Sud će u smislu člana 77. ZIP-a, a u vezi sa članom 135. ZIP-a zaključkom na zahtjev zainteresovanog lica omogućiti razgledanje zaplijenjene pokretne stvari, te istim odrediti način i vrijeme razgledanja uz prisustvo sudskog izvršitelja, a koji zahtjev mora biti podnesen u pismenoj formi 8 dana prije održavanja ročišta.
5. Na prvom ročištu za javno nadmetanje pokretna stvar se ne može prodati za manje od jedne polovine vrijednosti utvrđenih u tački 1. ovog zaključka. Početna ponuda na prvom ročištu ne može biti manja od jedne polovine od utvrđenih vrijednosti koje su navedene u tački 1. ovog zaključka.
6. Ako se pokretna stvar ne proda prilikom prvog javnog nadmetanja, odnosno na prvom ročištu, Sud će na prijedlog stranaka, odnosno na zahtjev tražioca izvršenja, koji se može podnijeti u roku od 8 dana od dana održavanja neuspjelog ročišta, zakazati drugo ročište na kojem se pokretna stvar koja je predmet prodaje može prodati bez ograničenja u pogledu iznosa cijene.

7. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvar ne uspije prodati ni na drugom ročištu za javno nadmetanje.
8. Učesnici javnog nadmetanja su dužni prije početka ročišta položiti osiguranje na depozitni račun ovog suda kod BBI BANKE na broj računa 1411965320009639 u visini od 10% od procijenjene vrijednosti, s tim što ne može iznositi više od 10.000,00 KM, te prije početka nadmetanja sudu predati primjerak uplatnice iz koje je vidljivo da je osiguranje položeno. Ponuđačima čija ponuda nije prihvaćena osim za tri najbolja ponuđača, vratit će se osiguranje odmah nakon zaključivanja javnog nadmetanja. Od polaganja osiguranja oslobođen je tražilac izvršenja i druge osobe određene Zakonom o izvršnom postupku.
9. Najbolji ponuđač – kupac je dužan da kupoprodajnu cijenu, po kojoj je pokretna stvar prodana, položi sudu u roku koji mu sud odredi, računajući od dana prodaje. Ako kupac u tom roku ne položi cijenu prodaja će se proglasiti nevaljanom i novim zaključkom će se odrediti da je pokretna stvar prodana drugom po redu najpovoljnijem ponuđaču, i tako redom, koji treba po prijemu tog zaključka sudu deponovati prodajnu cijenu u roku koji mu sud odredi.
10. Ako najbolji ponuđači u ostavljenim rokovima ne polože prodajnu cijenu, sud će oglasiti da je prodaja neuspjela. Ova pravila se primjenjuju i u slučaju odustanka trećeg ponuđača.
11. Poreze i takse u vezi sa prodajom pokretne stvari snosi kupac ukoliko se stranke drugačije nisu dogovorile.
12. Ovaj zaključak će se objaviti na oglasnoj tabli suda.
13. Stranka može o svom trošku objaviti zaključak o prodaji u sredstvima javnog informisanja, odnosno da o zaključku obavijesti lica koja se bave posredovanjem u prodaji.

SUDIJA
Nenad Banduka

PRAVNA POUKA: Protiv ovog zaključka ne može se izjaviti žalba ni prigovor.